

Comision Pro-Danny a entrega lista di firma na Nel Oduber

ORANJESTAD (AAN) Diarazon mainta e Comision Pro Danny a entrega un carta y un lista di firma di sostenedornan di Danny como nan candidato riba lista di MEP pa e siguiente eleccion.

Danny tambe tabata presente y el a papia cu Nel Oduber y segun Danny a duna di conoce na DIARIO cu e encuentro tabata uno cu a bay bon den un ambiente trankil y nada di tension.

Den seno di MEP mes e caso di Danny lo bay worde trata door di un comision pa asina yega na solucion pa cu e problema cu a surgi cu e caso di Danny y pa fin di e luna aki lo mester tin claridad riba e posicion di Danny den MEP.

CONTENIDO DI E CARTA

Contenido di e carta cu Comision Pro Danny a entrega na Nel Oduber como lider di partido MEP ta como lo siguiente;

'Sr. Oduber, nos Comision Pro-Danny van der Linde ta acerca bo persona den calidad di lider di Partido M.E.P. en coneccion cu bo peticion na nos candidato. Manera bo por corda, bo mes a pidi nos candidato pa e reuni cu su comision pa evalua su participacion na eleccion 2005 riba lista di M.E.P.

Aki, corectamente Danny a contesta cu e lo participa na eleccion, pero riba bo insistencia pa evalua cu su Comision, Danny a reuni cu

Comision y for di e momento ey, comision a cuminsa traha riba contesta husto pa bo persona.

Nos di Comision ta di opinion cu nos ta mucho poco hende pa dicidi pa e numeroso seguidornan y simpatisadornan di nos dinamico candidato Danny van der Linde.

Pesey nos Comision a cuminsa cana den pueblo, cuminsando den nos bario di Savaneta, Mabon, Rooi Kochi, Brazil, Noord Cura Cabay, Cura Cabay y becindario y pueblo di Aruba completo pa haya sa kico nos hendenan ta opina y si nan ta dispuesto pa sostene Danny su candidatura cu nan firma como muestra di apoyo concreto.

Na momento di haci esaki, nos Comision a realiza cuanto hende ta aprecia Danny y ta exige pa Danny participa na eleccion 2005 como e candidato pa e barionan ariba menciona.

Den e sondeo aki a

sobresali cu e pueblo Arubano, particularmente e bario di Savaneta ta urgi Danny pa ta nan dirigente. Pesey awe nos ta para aki dilanti bo persona cu sa di demostra di ta un persona sensato cu hopi experiencia politico y cu lo sa di duna nos candidato e respet cu e merece y mas ainda duna e reconocimiento na tur esnan cu di un of otro manera y sigur mediante nan firma, a sa di respalda nos candidato Danny van der Linde.

Hecho ta cu eleccion pasa, Danny a demostra su

calidadnan politico y su ambicion pa yuda nos pueblo y cu te ainda e ta miembro di partido M.E.P. Cu otro palabra te ainda e ta ariba lista ya cu no tin ningun motibo pa supone lo contrario.

Pero pa si tin algun duda, awe nos ta entrega e firmanan aki pa asina keda comproba cu nunca Danny no a perde e sosten y confianza di su pueblo.

Al contrario, awor mas cu nunca Aruba ta respalde.

Mi ta finaliza cu un gradicimento di curazon na tur esnan cu sin duda a pone

nan confianza den nos candidato pa medio di nan sosten cu nan firma.

Danki na bo persona pa ricibi nos awe y ricibi e firmanan aki. Nos ta spera y pueblo di Aruba ta exige un contesta mas lihe posibel, preferiblemente prome cu fin di Februari 2005, pa asina restablece e trankilidad den nos pueblo y cu e makinaria geel por sigui move sin mas retraso.

E listanan di firma ta un total di 2523 firma, y a worde firma mas abao pa Lucio Eddie Thijzen, Presidente.



COMPINCHIXERING!!

NEL, BO TA SIGUR CU SI NOS KITA UN MINISTER Y KIBRA TUR CONTRACT DI HUURMENTO DI EDITICION Y ABOGADONAN NOS POR BAHU GASTO CU UN PAAR DI BIYON Y DUNA INDEXERING E ORA EY!!

MIHO NOS PURA KIBRA NAN DROME CU NAN KIBRA NOS!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



dia 24 f
loko lo
arubano
di parti
mohe c
nan y
Jelizah
guess w
(via Seta

Awe e
BONAI
felicita
Bonairo
Karijke
Cornelia
wak bo p
(via Inte

PABIEN
Beter laz
ary a h
Jerwin F
mama Y
ruman m
, su om
primanar
Melanie
(via Seta